

Áššeovddideapmi

____ Vuodđodokumeanta.
X Jorgaluvvon dokumeanta

Vuorkááššennr. 2020/342-2	Vuorká: Ovddos	Áššemeannudeaddji: Ann Catharina A. Lango	Dáhton: 10.03.2020
------------------------------	-------------------	--	-----------------------

Lávd.áššennr.	Lávdegoddi:	Čoahkkindáhton:
	Ovdagotti mearrádusevttohančoahkkin	
	Suohkanstivra	

NUPPÁSTUHTTINPROGRÁMMA JAHKEDIEÐÁHUS 2019

Čujuhuvvo čuovvovážžii:

- PS 27/19, 58/19
- Jahkeraporta –Guovdageainnu nuppástuhttinprográmma 2019

Mildosat:

- Jahkeraporta Guovdageainnu nuppástuhttinprográmma 2019

Ášši duogáš:

Dat maŋemus nuppástuhttinprográmma Guovdageainnus álggi 2019 álggus. Dát jahki lei vuosttáš jahki nuppástuhttináigodagas, muhto ii leat dat vuosttáš jahki dábálaš nuppástuhttinbarggus. Dábálaš doaibma álggi 2020 álggus.

Jagi 2020 čađahuvvui strategiija- ja vuodđudanfása. Ulbmil dáinna bajimus bargguin lei kártet ealáhusdoaimma stáhtusa, hástalusaid ja dárbbuid báikkálaš ealáhusdoaimmain, ja identifiseret báikkálaš vejolašvuodaid ovdánahttit ja ásahit gánnáhahti ja návccalaš fitnodagaid suohkanis.

Lea čađahuvvon servodat- ja ovdánahttinanalysa, mii čilge Guovdageainnu ovttá regionála geahččanguovllus ealáhusovdáneami komparatiiva ovdamuniid birra, ovdánavvejolašvuodaid dálá ealáhusdoaimmain ja suohkana láchinrolla.

Analysa duogážiin lea maid dai ráhkaduvvon nuppástuhttinplána 2019 – 2025 ja doaibmaplána 2019 – 2020, goappašagat leaba dohkkehuvvon suohkanstivrras. Dát vástidit hástalusaid mat almmostahtto ovdánanalysas ja definere vuoruhuvvon návccastansurggiid.

Dán vuodul čađahuvvui viiddis bargu das mii guoská diehtoviežžamii ja vuodđudeapmái. Čađahuvvoje álbmotčoahkkimat, bargobájit ja dárkilisjearahallamat olbmuiguin ealáhusdoaimmas ja muđui servodagas. Fylkkagielda ja Innovasjon Norge leat leamaš dehálaš veahkit olles proseassas ráđđeaddima, lágidemiid, reaidduid bokte, ja digaštallanguoibmin. Fylkkagielda lágidii čakčamánu earret eará vásáhuskonferánssa Guovdageainnus nuppástuhttinsuohkaniidda, juoga mii lei hui ávkkálaš.

Čađahuvvui rekruterenproseassa, gos suohkan virgádii nuppástuhttinhoavdda / prográmmajođiheadji, gii álggi bargui gaskamuttus golggotmánu. Nuppástuhttinhoavda

lea bargan ásaht nuppástuhttinorganisašuvnna ja stivrra. Nuppástuhttinhoavda lea dál sirdán Ovddos AS:i beaivválaš jođiheaddji / nuppástuhttinprográmma jođiheaddji virgái.

Suohkanstivra vuodđudii juovlamánu 19. beaivvi 2019 Ovddos AS, mii oaččui ovddasvástádusa hálddašit nuppástuhttinprográmma ja stivra nammaduvvui. Stivra konstituerejuvvui ođđajagimánu 29. beaivvi 2020 ja lea dál jođus.

Álggaheami rájes lea prográmmajođiheaddjis leamaš dialoga mánga aktevrrain geain leat plánat johtuvidjat proševttaid duoji, designa, rusttega, media, digitaliserema jna siskkobeale. Vurdojuvvo ahte dát bohtet johtui 2020 álggus. Guovvamánu 2020 rahppui nuppástuhttinprográmma almmolaččat, seammás rahppui vejolašvuohta ohcat doarjaga proševttaide ja ođđaásahemiide. Orro ahte lea stuora mokta ja beroštupmi ealáhusdoaimmain ja ássiin.

Dasa lassin lea suohkan álggahan iežas proševttaid. Ovdamearkka dihte lea suohkan leamaš mielde arkitektagilvvus European, gos arkiteavttat ožžo hástalusa buktit evttohusaid Guovdageainnu márkanbáikái, ođđa mánáidgárde- ja skuvlastruktuvrii mas mihttu hukset ođđa vuodđoskuvlla, girdišillju huksemii, lámčit ealáhusviessosajiid márkanbáikái, kulturguovddáži jna. Dáid proševttaid lea dehálaš čuovvulit sihke nuppástuhttinprográmmas, muhto maidai olggobealde.

Jagi 2019 geavahuvvui 1,2 millijovdna nuppástuhttinprográmmii. Dat mearkkaša ahte lea 4,95 millijovdna unnitgolaheapmi. Dán lea Romssa ja Finnmárkku fylkkagiela dohkkehan sirdit jahkái 2020.

Miellodus Jahkeraporta Guovdageainnu nuppástuhttinprográmma 2019 lea juo sáddejuvvon Finnmárkku Fylkkagildii ovdal sin áigemeari mii lei ođđajagimánu 8.beaivvi 2020.

Mearrádusevttohus:

Guovdageainnu nuppástuhttinprográmm 2019 jahkedieđáhus dohkkehuvvo.